

*Paglabay sa tulo ka adlaw si Jesukristo mibangon gikan sa lubnganan, mibiya niini nga walay sulod. Iyang gibugto ang gapos sa kamatayon ug nagbarug nga madaugon sa lubnganan—sa ingon nagkompleto sa hingpit nga Pag-ula.*



WALA SA IBABAW: SIYA BUHI; NI SIMON DEWEY, KINAUBSAN SA WALA: JESUS MIINGON NGADTO KANIYA. MARIA, NI WILLIAM WHITAKER, SA MAAYONG KABUBUFON SA CHURCH HISTORY MUSEUM; SA TUO: ANG PAGPRAKTA NI JESUKRISTO NGADTO NI MARIA MAGDALENA, NI ALEXANDER IVANOV/STATE RUSSIAN MUSEUM, ST. PETERSBURG, RUSSIA/SCALA/ART RESOURCE, NY



*Didto sa walay sulod nga lubnganan, ang nabanhaw nga Kristo nagpakita ngadto ni Maria Magdalena ug nangutana, “Nganong nagahilak ikaw? . . . Sa pagdahum niya nga kadto mao ang magbalantay sa tana-man, . . . milingi ug miingon kaniya, Raboni!; nga sa ato pa, Magtutudlo” (Juan 20:15–16).*

*Dayon si Jesus miingon ngadto kang Maria, “Ayaw na ako pagkupti; kay wala pa ako makasaka ngadto sa Amahan” (Juan 20:17).*

Ug sa katapusan, sa atubangan sa haw-ang nga lubnganan, atong masayran nga si Kristo ang atong Ginoo mibugto sa mga gapos sa kamatayon ug nagbarug nga madaugon sa lubnganan hangtud sa kahangturan.

Busa, ang Paglalang mao ang sinugdanan padulong sa Pagkapukan; ug pinaagi sa Pagkapukan miabut ang mortalidad ug kamatayon, ug pinaagi kang Kristo miabut ang imortalidad ug kinabuhing dayon.

Kon wala pa ang Pagkapukan ni Adan, nga pinaagi niini miabut ang kamatayon, unta walay Pag-ula ni Kristo, nga pinaagi niini miabut ang kinabuhi.

Ug karon, kalabut niining hingpit nga Pag-ula, nga nahitabo pinaagi sa pagpaagas og dugo sa Dios—mopamatuod ko nga kini nahitabo sa Getsemani ug sa Golgota, ug kalabut ni Jesukristo, mopamatuod ko nga Siya mao ang Anak sa Buhi nga Dios ug gilansang alang sa mga sala sa kalibutan. Siya mao ang atong Ginoo, atong Dios, ug atong Hari. Kini nasayran nako sa akong kaugalingon, wala mag-agad-sa ubang tawo.

Usa ako sa Iyang mga saksi, ug sa umaabot nga adlaw akong mahikap ang mga marka sa lansang sa Iyang mga kamot ug sa Iyang mga tiil ug mopahid sa Iyang mga tiil uban sa akong mga luha.

Ug wala nay lain pang panahon kaysa karon nga akong nasayran nga Siya mao ang Makagagahum nga Anak sa Dios, nga Siya mao ang atong Manluluwas ug Manunubos, ug ang kaluwasan moabut pinaagi sa Iyang maulaong dugo ug wala nay lain pang paagi.

Ang Dios mitugot nga kitang tanan mahimong molakaw sa kahayag, nga ang Dios atong Amahan anaa sa kahayag, aron, sumala sa mga saad, ang dugo ni Jesukristo, Iyang Anak, molimpyo kanato gikan sa tanang sala. ■

*Gikan sa “The Purifying Power of Gethsemane,” Ensign, Mayo 1985, 9–11. Ang punctuation ug capitalization gi-standard.*

*Kini mao ang katapusang apostolikhong pagsaksi ni Elder McConkie sa pagka-mortal; siya namatay paglabay sa duha ka semana.*

